



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvatvor Lib. Sententiarvm M. Petri Lombardi

Spina, Claudius de

Parisiis, 1551

29. de communi spiratione.

urn:nbn:de:hbz:466:1-38840

EPI T O M E

nata Sapientia, in vno eorum eò quòd est nata, & Verbũ, & Imago, & Filius intelligatur, id est eadem notio intelligatur, quæ notatur cùm dicitur Verbum & Imago. Quibus nominibus non ostenditur essentia, quia relatiuè dicuntur. At in altero, quod est Sapientia, etiam essentia demonstratur: id est, demonstratur quòd Filius sit essentia, quia Sapientia secundum essentiã dicitur. Et ideo cùm dicitur nata Sapientia, intelligitur quòd ipse qui natus est, essentia est. Ibi tamen Sapientia non pro essentia, sed pro hypostasi intelligitur: vt cùm dicitur Verbum vel Filius, intelligitur hypostasis cum proprietate sua. Ideo nata Sapientia intelligitur nata hypostasis.

Illud etiam sciri oportet quòd quamuis Imago dicatur relatiuè, aliquando tamen reperitur secundum substantiam dici. Vnde August. libr. de Fid. ad Petr. dicit quòd vna Cap. i. est S. Trinitatis essentialiter diuinitas & imago ad quam factus est homo. Idem Hil. libr. 5. de Trinita.

DE COMMVNI SPIRATIONE, quæ est alia proprietas, sed non personalis.

DISTINCT. Vigesima nonæ
CAP. Primum.

Principium est ad aliquid.

EST præterea aliud nomen notans relationem, videlicet Principium. Vnde August. libr. 4. de Trinita. Pater est principium totius deitatis, quia ipse à nullo est. Non enim habet de quo sit, vel de quo procedat: sed ab eo & Filius est genitus, & Spiritus sanctus procedit. Ob id ergo dicitur principium totius deitatis, non quòd sui vel diuinæ essentia principium sit: sed quoniam principium est Filij & Spiritus sancti, in quibus singulariter tota deitas est. Filius ad Spiritum sanctum principium dicitur, Spiritus verò sanctus non dicitur principium, nisi ad secundas creaturas: sicut Pater, & Filius, & Trinitas tota simul. Vnde August. 5. de Trinita. Principium relatiuè dicitur ad omnia quæ ab ipso sunt. Cùm ergo creature esse cœperunt, cœpit esse principium Spiritus sanctus. Ita etiam Pater & Filius cœperunt esse cum Spiritu sancto principium creaturarum.

Principium

C A P. Secundum. Non dicuntur tres Personæ esse tria, sed vnum principium.

Tres Personæ, quia vno eodemque modo principium rerū sunt, vnum principium dicuntur. Quod intelligens

R. 2.
ca. 26. Apost. ait: Ex ipso, per ipsum, & in ipso sunt omnia, scil. naturæ rerum, ait August. lib. de Nat. Bon. quoniam ab eo peccata non sunt.

Et sic principium dicitur relatiuè ad omnia
quæ ex ipso sunt.

CAP. 3. *Pater eo principium & author Filij
est, quo Pater est.*

Avg. lib. 5. de Trinit. ostendit q̄ Pater Fi
lij principium dicitur, quia genuit eū. Ca. 14
Qua ergo notione est Pater, ea princi-
pium Filij dicitur, id est generatione: secun-
dum quam etiam dicitur author Filij. Vnde
Hilar. 4. de Trinit. ita ait, Ipse quo Pater di-
citur, eius quem genuit author ostenditur.

CAP. 4. *Pater & Filius sunt principiū Spi-
ritus sancti, idque eadem notione.*

Quum Pater & Filius sint principium
vnum Spiritus sancti, & Spiritus san-
ctus non aliter procedat ab vno
quàm ab altero: sanè intelligi potest Patrem
& Filium eadem relatione vel notione prin-
cipium dici Spiritus sancti: quæ nec est Pa-
ternitas aut Filiatio, sed nobis eius nomen
incognitum est.

DE RELATIONIBVS QVAE
conueniunt Deo ex tempore.

D I S T I N C T. Trigesimæ
CAP. Vnicum.

*Aliqua de Deo dicuntur ex tempore,
idque sine sui mutatione.*